

## Taarsiiffigitinnissaq pillugu qaqugukku qinnuteqarsinnaavit?

Taarsiiffigitinnissaq pillugu qinnuteqarsinnaavutit:

- peqqinnissamut tunngasutigut sullissisoq ilinnik suliarinninnerminut atatil-lugu peqqinnissakkut sullissinnerminut atatil-lugu kukkussuteqarsimappat
- napparsimasutut maalaarutit akuerineqarsimappat, peqqinnissamullu tunngasutigut sullissinnermi kukkusoqarsimappat,
- inuttut ajoqusersimaguit, peqqinnissamut tunngasutigut sullissisup toq-qaannartumik kukkussuteqarnerata malitsigisaanik

## Taarsiiffigitinnissamut qanoq piumasaqaateqarsinnaavit?

Taarsiiffigitinnissamut piumasaqaateqarninni makku taarsiissuteqarfiusinnaap-put:

- Sulinikkut iluanaarutisiassanit annaasat
- Anniaateqalerneq
- Ataavartumik innarluuteqalerneq
- Inuussutissarsiorsinnaassutsumik annaasaqarneq
- Pilersuisumik annaasaqarneq
- Kukkusumik suliaritinnerup malitsigisaanik peqqissartinnermut atatil-lugu aningaasartuutit allatigullu annaasaqarnerit

Taarsiissuteqarfigitinnissat ilaanni piumasaqaataasarpoq, aningaasatigut an-naasaqarsimaneq.

## Peqqinnissaqarfiup avataatigut namminersortumit sullin-neqarsimaneq

Peqqinnissakkut sullissisoq namminersortoq, allatut periaaseqarluni suliarinnit-tartoq imaluunniit tamatumunnga assingusumik suliaqartartoq saaffigisimaguk-ku, pisortanit taarsiiffigitinnissat piumasarisinnaanngilat.

Tamakkunnga ilaanngillat kigutit nakorsaat namminersortut pillugit naammagit-taalliuteqarnerit.

## Taarsiissutisinnaatitaanermi killissarititaasut

Aammattaaq eqqumaffigissavat, tamakkiisumik ilaannakortumilluunniit taarsiiffi-gitinnissannut pisinnaatitaaffiit annaasinnaagakku, ajutoornerup ilaanut

tunngatillugu illit nammineq pissuusuteqarsimaguit imaluunniit annaasaqarnerit an-nikinnerulersinniarlugu arlaatigut iliuuseqarsimannngikkuit.

Ajutoornermi ataatsimi marloriaammik taarsiiffigitinnissinnaanngilatit. Assersuutigalugu sulinikkut iluanaarutisiassanit annaasatit sillimmasersimanikkut matussusersimaguk-kit, peqqinnissaqarfimmit taakku matussuserneqarnissaat piumasaqaatigisin-naanngilat.

Aammattaaq suliaritinninnut atatil-lugu akornuteqarsimanguit aamma iluaa-gisaqarsimaguit taarsiiffigitinnissinnaanngilatit taakku pillugit.

## Taarsiiffigitinnissat pillugu qinnuteqaatit sumut nassiutissaviuk?

Taarsiiffigitinnissat qinnutigisinnaavat piumasaqaatit uunga nassiullugu:

### Nunatsinni Nakorsaaneqarfik

Postboks 120, 3900 Nuuk

Mail: nun@nanoq.gl, Telefon: 345192, Fax: 325130

Taarsiiffigitinnissamut qinnuteqaat aningaasartuutitut naatsorsuusiamik, taartisiiffi-gerusutatut kissaatigisannik imaqassaaq, taakku naatsorsorneqarsinnaappata. Ajornanngippat aningaasartuutitut taartisiffigerusutannut uppersaammik ilan-ngussigit.

Peqqinnissamut tunngasutigut sullinneqarnerit pillugu napparsimasutut naammagit-taalliutit nassiussinnaavat peqatigitillugulu taarsiiffigitinnissannut piumasaqaatit saqqummiullugu.

Napparsimasutut naammagittaalliummik qanoq saqqummiussisinnaaneq pillugu ilitersuummi tamanna erseqqinnerusumik atuarsinnaavat. "Peqqinnissamut tunngasutigut sullinneqarnerit pillugu imatut naammagittaalliuuteqarsinnaavutit."



### Atorunnaarfissaa

Taarsiissutisinissamik piumasaqaat ukiut tallimat qaangiunneranni atorunnaasaaq. Piffissaliussaq naatsorsorneqassaaq piffissamit ajoqusernerup ilinnit ilisimaneqalerneraniit imaluunniit ilinnit ilisimasaqarfigilerneraniit. Piffissaliussap naanginnerani ajoquserneq nalunaarutigisimangikkukku, suliasiissutit suliarisinaangilarput.

## Imatut qinnuteqassaait Peqqinnissaqarfimmit taarsiiffigitinnissaq

